

Bosna i Hercegovina
Federacija Bosne i Hercegovine
Zeničko-dobojski kanton

Općinski sud u Zavidovićima
Safvet bega Bašagića bb, 72220 Zavidovići
ID: 4218418200006



Centrala: +387 (0) 32 878 344
Predsjednik suda: +387 (0) 32 868 550
Fax: +387 (0) 32 868 550

Odjeljenje suda Maglaj: +387 (0) 32 604 223
Prekršajno odjeljenje Maglaj: +387 (0) 32 603 084

Broj: 042-0-Su-25-001202
Zavidovići, 01.07.2025. godine

1. Visoko sudsko i tužilačko vijeće BiH
Sarajevo

2. Kantonalni sud u Zenici

Predmet: Izvještaj o poštivanju optimalnih i predvidivih rokova u Općinskom sudu u Zavidovićima za period 01.01.-30.06.2025. godine;

Analiza pokazatelja iz statističkog izvještaja o poštivanju optimalnih i predvidivih rokova

U izvještajnom periodu, od 01.01.2025. godine do 30.06.2025. godine, u Općinskom sudu u Zavidovićima riješeno je ukupno 1605 predmeta koji su obuhvaćeni izvještajem o poštivanju predvidivih rokova (CMS). Od toga, u predvidivim rokovima riješeno je 1246 predmeta, dok je sa prekoračenjem predvidivog roka riješeno 359 predmeta. Ostao je neriješen još 1761 predmet, od toga kod 1287 predmeta nije prekoračen predvidivi rok, dok je sa prekoračenjem predvidivog roka ostalo neriješeno još 474 predmeta. U Optimalnim rokovima riješeno je 788 predmeta, dok je neriješenih predmeta sa prekoračenjem optimalnog roka ostalo 1146.

Iz gore navedenih podataka proizilazi da je Općinski sud u Zavidovićima u predvidivim rokovima riješio 77,63 % predmeta dok je sa prekoračenjem predvidivih rokova riješio 22,37 % predmeta. Od neriješenih predmeta nije prekoračen predvidivi rok u 73,10 % predmeta.

Najviše odstupanja u predvidivim rokovima zabilježeno je na izvršnim predmetima. Optimalni rok prekoračen je u 467 nezavršenih predmeta, dok je predvidivi rok prekoračen u 211 predmeta. Bez prekoračenja predvidivog roka ostao je 461 predmet. Glavni razlog prekoračenja optimalnih i predvidivih rokova u izvršnim predmetima je sama složenost izvršnog postupka, otvaranje više faza (promjena sredstva izvršenja), preopterećenost sudija sudskim predmetima, duža odsustva sudaca zbog bolovanja i sl.

Analiza raspoloživih resursa

Pravilnikom o unutrašnjoj organizaciji i sistematizaciji radnih mjesta u Općinskom sudu u Zavidovićima predviđena su sljedeća radna mjesta:

- 1 predsjednik suda
- 8 redovnih sudaca (šest u Zavidovićima i dva u odjeljenju u Maglaju)
- 4 dodatna suca (dva u Zavidovićima i dva u odjeljenju u Maglaju)
- 3 stručna suradnika (dva u Zavidovićima i jedan u odjeljenju u Maglaju)
- 5 državnih službenika
- 1 dipl. pravnik – pripravnik
- 2 volontera-pripravnika
- 42 namještenika

Radi ostvarivanja funkcije suđenja i odlučivanja o predmetima iz iste pravne oblasti, praćenja i proučavanja društvenih odnosa, pojava i problema sudske prakse u Općinskom sudu u Zavidovićima osnovana su tri sudska odjeljenja i to:

- Kazнено sudsko odjeljenje ,
- Građansko sudsko odjeljenje,
- Prekršajno sudsko odjeljenje.

Od sistematiziranih 9 redovnih sudija, uključujući i predsjednika suda, 4 dodatna suca i 3 stručna suradnika, u ovom sudu je imenovano 9 redovnih sudaca i 2 stručna suradnika.

Stvarni broj zaposlenih državnih službenika i namještenika u ovom sudu prikazan je u Tabeli o strukturi i broju zaposlenih kako sljede:

Tabela o strukturi i broju zaposlenih u Općinskom sudu u Zavidovićima

Rukovodeći državni službenici	Ostali državni službenici	Namještenici	Ukupno
1	3	30	34

Nepopunjenost svih radnih mjesta u Općinskom sudu u Zavidovićima, koja su predviđena gore navedenim pravilnikom, znatno utječe na ukupan rad suda, a time i na mogućnost poštivanja optimalnih i predvidivih rokova.

Razlog kadrovske nepopunjenosti u ovom sudu leži u činjenici da Ze-Do kanton nije mogao u Budžetu za 2025. godinu osigurati sredstva za plaće potrebnog broja službenika suda.

Usprkos svim navedenim poteškoćama i problemima očekujemo da ćemo do kraja 2025. godine ostvariti bolji procent rješavanja predmeta u optimalnim i predvidivim rokovima.

Analiza „perioda neaktivnosti“ u predmetima

Nakon analize statističkog izvještaja o poštivanju optimalnih i predvidivih rokova, u periodu od 01.01.2025. godine do 30.06.2025. godine, prema stanju u CMS-u, u Općinskom sudu u

Zavidovićima uočeno je da je u pojedinim predmetima došlo do prekoračenja optimalnih i predvidivih rokova.

Najviše odstupanja u predvidivim rokovima zabilježeno je na izvršnim predmetima. Optimalni rok prekoračen je u 467 nezavršenih predmeta, dok je predvidivi rok prekoračen u 211 predmeta. Bez prekoračenja predvidivog roka ostao je 461 predmet.

Kada su u pitanju nezavršeni prekršajni predmeti optimalni rok je prekoračen u 396 predmeta, dok je predvidivi rok prekoračen u 129 nezavršenih prekršajnih predmeta. Bez prekoračenja predvidivog roka ostalo je 362 predmeta, odnosno 73,73 %.

U 69 nezavršenih predmeta sa oznakom K zabilježeno je prekoračenje optimalnih rokova u 41. predmetu, dok je predvidivi rok prekoračen u manjem broju predmeta. U 135 nezavršenih predmeta sa oznakom Kps zabilježeno je prekoračenje optimalnih rokova u 109 predmeta.

U ostalim sudskim predmetima nije uočeno prekoračenje optimalnih i predvidivih rokova u značajnijem broju predmeta te ih posebno nismo obrazlagali.

Niz je razloga koji su doveli do navedenih prekoračenja optimalnih i predvidivih rokova. Naglašavamo da su pojedini postupci veoma složeni i iziskuju dosta vremena do njihovog pravosnažnog okončanja zbog određenih nepredvidivih procesnih razloga kao što je: izvršenja na nepokretnostima koje nisu upisane u zemljišne knjige, traženje prekida postupka zbog odgode izvršenja od strane tražitelja izvršenja, neodazivanja stranaka i branioca po pozivu suda, problemi sa utvrđivanjima adrese stranaka, predlaganja novih dokaza od strane stranaka u kaznenim postupcima, nedostupnost stranaka i sl. Kao razlog prekoračenja optimalnih i predvidivih rokova kod rješavanja predmeta bitno je napomenuti i činjenicu dužeg odsustvovanja pojedinih sudaca zbog bolovanja.

Prijedlog mjera

S obzirom na sve gore navedeno smatramo da bi popunjavanje svih upražnjenih radnih mjesta u ovom sudu znatno doprinjelo skraćivanju predvidivih rokova i približavanju istih optimalnim rokovima. Također ističemo da bi i iznalaženje drugačijih zakonskih rješenja (bolja sistemska riješenost naplate novčane kazne i izvršenja lišenja slobode u prekršajima i dr.) moglo doprinjeti rješavanju predmeta u predvidivim i optimalnim rokovima.

S poštovanjem,

Zamjenica predsjednika suda

Klaudija Saletović

Prilog:

1. izvještaj o poštivanju predvidivih rokova iz CMS-a

Dostaviti:

1. Visokom sudskom i tužilačkom vijeću BiH
2. Kantonalnom sudu u Zenici;
3. Web stranica ovog suda;
4. a/a



